



## FOLKETINGET

### Kapisilinni Nuuk Outdoor-imut siumut nalunaaqqaarluni nakkutilliilluni alakkaaneq pillugu nalunaarusiaq (Nakkutilliilluni alakkaaneq 9)

#### 1. Aallaqqaasiut

Arfinningornermi 9. september 2023 § 71 naapertorlugu nakkutilliartortut siumut nalunaarutigeriikkaminnik Kapisilinni Nuuk Outdoor-imut nakkutilliartortut alakkaapput.

§ 71 naapertorlugu nakkutilliartoqataapput nakkutilliisunut siulittaasup tullia Camilla Fabricius (S), Mike Fonseca (M), Theresa Berg Andersen (SF) aamma Alexander Ryle (LA).

Taakku saniatigut peqataapput ataatsimiititaliap pisortaa Lis Grønnegaard Rasmussen, ataatsimiititaliap allattaa Charlotte Avnsted-Vilman, ataatsimiititaliami assistenti Gitte Ravn Jensen aamma oqalutsi.

Aallaqqaasiutigalugu nakkutilliisut Nuuk Outdoor-imi sulisunik ataatsimeeqateqarput. Nuuk Outdoor-imiit peqataapput Erik Larsen Grøndahl Rasmussen, Hilda Larsen, Marco Sikemsen, Susan Hansen, Aviaja Lyng Petersen, imm. pisortaq aamma siunnersorteqarput Sarah Petersen.

Meeqqat arlallit najuupput. Inissiisarfimmi ulluinnaat qanoq ingerlasarneri unammilligassallu sueneri pillu-git sulisut oqaluttuarput.

Meeqqat inuusuttuaqqallu Kapisilinnut inissinneqarsimapput, inissiffissaannik tulluartumik utaqqinermi. Meeqqat inuusuttuaqqallu unammilligassaat nalinginnaanerpaamik tassaapput, ukiuni arlalinni inissiisarfinni nikittaattuni najugaqarsimanerat aamma peroriartornerminni sumiginnangaasimaneq.

Inuusuttuaqqat arlallit tarnikkut arlaatigut nappaateqarput, aammalu katsorsarneqarnissamik pisariaqartitsisuusarlutik, soorlu aamma arlallit pinerlunniartalersimasuullutik. Inuusuttuaqqat ilaat aamma aanngajaarniutinik atorerluisutut ajornartorsiuteqarput.

Toqqammaviumik meeqqat inuusuttuaqqallu kangerlummut inissinneqartussaapput, Kapisilinnut imaluunniit avatangiisit nikisinniarlugit Ameralimmut/Tertii-mut. Taamaattoq ima pisoqarsinnaasarpog, meeqqat inuusuttuaqqallu Nuummiittarlutik piffissami aalajangersimasunngitsumi tarnikkut katsorsarneqarnissamut imaluunniit kommunimit isumagineqartussatut ingerlariaqqinnissaminnut paasisaqarnissartik utaqqitillugu, aammalu Nuumiinnissaat pisariaqarpat piumasarineqarpalluunniit.

19. juni 2024

#### § 71-tilsynet

Charlotte Avnsted-Vilman  
Udvalgssekretær  
charlotte.avnsted-vilman@ft.dk  
Tlf. 33373648

#### Folketinget

Christiansborg  
1240 København K  
3337 5500  
ft@ft.dk  
www.ft.dk

Sulisut oqaluttuarput, meeqqanit inuusuttunillu najugaqartunit 18-iusunit arfineq marluk psykiatri-mi misissuiffigineqarnikuusut.

## **2. Nakkutilliisut oqaaseqaataat**

Nakkutilliisut sakkortuumik aarlerinartoqartippaat Nuuk Outdoorip meeqqanut inuusuttunullu inissiisarfittut akuerisaannginnera, paasilluguli tamanna eqqumaffigineqartoq, aaqqiissuteqarnissamullu suliniuteqartoqartoq.

Nakkutilliisut nalilerpaat meeqqat inuusuttullu Nuuk Outdoorip neqeroorutaani inissisimasut arlallit ajormata, arlallillu oqaatigaat nuannarinagu ilaqtaminnit taamak ungasitsigisumiinnertik, aammalu Kapisilinni avinngarusimasumiittutut misigalutik. Tassunga atatillugu nakkutilliisut aarlerinartoqartippaat sulisut arlallit ilinniarsimasuunngimmata inuusullutillu, tamanna meeqqanut inuusuttuaqqanullu unammillernartumi inissisimasunut naleqqutinngilaq.

Nakkutilliisut aamma immikkut ittumik aarlerinartoqartippaat sulisut aammalu meeqqat inuusuttuaqqallu inissiisarfimmiittut paasissutissiimmata pisunik ilungersunartunik arlalinnik pisoqartarsimanera. Tillinniarnert, qimaanert, gasimik naamaarnert pisut ilaminiinnannguaat.

Taakku saniatigut sulisut inuusuttuaqqallu imminut toqoriaraluartarneq, imminut toqunnissamut eqqarsaateqarneq, saassussisarnerrillu pillugit oqaluttuarput. Nakkutilliisullu kaammattuutigerusuppaat aaqqiissutissanik nassaartoqarnissaa meeqqanut Nuuk Outdoorip ataani inissineqarnikunut sinaakkutinik toqqiissisimanartunik pilersitsinissamut qulakkeerinnittussanik.

Nakkutilliisut aarlerinartoqartippaattaq meeqqat ilaasa siviisuumik Kapisilinniissimani, naak Nuuk Outdoorip ataani inissiigallarneq aaqqiissutaagallartutut sivikitsutut naatsorsuutaagaluartoq.

Nakkutilliisut sakkortuumik aarlerinartoqartippaat meeqqat inuusuttuaqqallu illuaqqani inissiisarfittut atorneqarnissanut piukkunnangitsuniisineqarmata. Ipertoorujussuupput inissakillutillu. Nakkutilliisuttaaq maluginiarpaat niarsiaraqat eqqiluisaarnissamut pigisaminnut immikkut skaaveqartinneqannginnerat.

Naggataagut nakkutilliisut aarlerinartoqartippaat ataavartumik ingerlanneqartussamik meeqqanut inuusuttuaqqanullu piffimmi inissineqarsimasuni atuartitsinermik neqerooruteqartoqannginnera.

Nakkutilliisut ajunngitsutut nalilerpaat sulisut meeqqanik inuusuttuaqqanillu sullisinissaminnut tunniusimarpasimmata. Ajunngitsuvoq sulisut ukkatarimmassuk meeqqat peqatigalugit sammisaqaqatigiinnissaq, tassunga ilaallutik umiartortarnerit piniariartarnerillu.

Nakkutilliisut aammattaaq ajunngitsutut nalilerpaat, nakkutilliilluni pulaarnerup kingorna illup iluani malittarisassanik eqqarsaasersortoqarsimammat, aammalu sulisut, meeqqat inuusuttuaqqallu inissinneqarnikut peqatigalugit illup iluani maleruagassat pillugit isumasioqatigiissimmata.

### **3. Kapisilinni Nuuk Outdoor pillugu naatsumik**

Nuuk Outdoor Kommuneqarfik Sermersuup ataani suliniutaavoq, suliniut misiligarneqarluni, immikkut suliniarnikkut inuusuttuaqqat iluaalliuuteqartut ikiorniarlugit. Suliniutip ilaatut inuusuttuaqqat piffissami sivikinnerusumi sivilunerusumiluunniit, suliniummi sulisut inersimasut Kapisilinniittut ilagalugit inissinneqartarput, inuusuttuaqqat illoqarfimmiit qimagutsillugit aqutissaannillu eqqortumut ikiorlugit. Suliniut taanna Nuuk Outdoor ApS-imut isumagisassannqortinneqarsimavoq, iliuuserisarlu tunngaveqarpoq ulloq unnuarlu angerlarsimaffittut, akuerineqarsimanngitsutut.

28. august 2023 Nuuk Outdoor-imut meeqqat inuusuttuaqqallu najugaqarput, sumiiffinni allani aamma ingerlataqarlutik. Meeqqat inuusuttuaqqallu ilaat pingasut Kommuneqarfik Sermersuup avataani kommuninit allaneersuupput.

Nakkutilliartorluni alakkaanerup nalaani Kapisilinni meeqqat inuusuttuaqqallu 18-iupput.

Meeqqat inuusuttuaqqallu inissinneqarsimasut alakkaanerup nalaani angajoqqaatut oqartussaassuseqartumik akuersissutitaqanngitsumik inissinneqarsimasunik ilaqanngillat imaluunniit inuusuttuaraq 15-it qulaallugit ukiulik.

Meeqqat inuusuttuaqqallu inissinneqarsimasut 13-18 akornanni ukioqarput.

Nuuk Outdoor-imi aqutsisut sulisullu ilinniarsimanagerup tungaaitigut tunuliaqtaat atituujuvoq. Inunnik isumaginninnermut siunnersorteqarput, isumaginninnermi perorsaasoqarput, psyko-terapeut-eqarlutik aamma traumeterapeut-eqarlutik (avataaniit), igaffimmi assistenti, aamma catering-og kantineassistent, arktisk-

og adventureguide, sarfalerisoq, it-konsulent, asilerisoq, ilinniartitsisoq, ilinniartitsisunngorniaq aamma ilinniartunut siunnersorti.

#### **4. Nakkutilliisut alakkarterinerat**

Nuuk Outdoor illuni arlalinni najugaqarfuteqarpoq Kapisilinni, tamarmillu kangerlummot isikkivigissumiipput.

Nakkutilliisut illumi tungujortumi aallartipput. Illu pisoqaavoq, nungullarsimaqalunilu. Illumi qitiuvoq ini ataatsimoorfiusartoq igaffitalik, neriffissalik aamma sofagruppe-lik.

Inuusuttuaqqat nakkutilliisut oqaloqatigerusuppaat ineeqqatillu takutissorlugit. Sulisut ilaat oqaloqatigiinnerup nalaani najuupput inuusuttuaqqat toqqissismanissaat pillugu.

Nakkutilliisut malunginiarpaat ineeqqat arlallit ilui takuneqarsinnaasumik inuusuttuaqqanit aserorterriffiqartarsimasut, aamma lu kisimiinnissamut periarfissaqanngitsoq. Nakkutilliisut malunginiarpaattaaq, ineeqqat arlallit inigineqarnissaminnut tulluanngivissut, assersuutigalugu ineeqqat ilaanni igalaaqanngimmalluunniit. Ineeqqat ilaanni igalaaq qisummik asserneqarsimavoq, inearlu assigiinngitsunit sueqaaq noqqoruuffiulluni.

Inuusuttuaqqat ilaat namminerisaminnik ineeraqarput, aammali inuusuttuaqqat marluk ineeqqami marluupput. Uffarfik peruser-sartarfillu katutarivaat, ipertoqaarlu.

Inuusuttuaqqat arlaannaataluunniit, nakkutilliisunit oqaloqatigineqartut, Kapisilinniinnertik nuannarinngivippaat. Nuummi ulluinaat maqaasivaat, ilaqtatik ikinngutitillu. Mattussaaqasutut misigineq inuusuttuaqqanut nikallunganarpoq, oqaluttuarpullu, periarfissaqarunik qimaarusullutik.

Inuusuttuaqqat ilaata oqaluttuaraa, arlaleriarluni imminut toqoriartarsimalluni, inuunissani kissaatigiunnaaramiuk. Taamaattumik sulisunit taanna nakkutigeqqissaarneqarpoq. Aamma oqaluttuarpoq inuusuttuaqqat ilaat tamaani najugaqarsimasoq unatarsimalugu, pissutigalugu kamannarigamiuk. Inuusuttuaraq taanna maanna allamut inissinneqarsimavoq.

Inuusuttuaqqat aamma oqaluttuarivaat, periarfissaqarlutik oori-siulaarnissaminnut. Assersuutigalugu ilaat Kapisilinni pisiniarfimmi sulisarpoq. Aamma savanik paarsisutut akissarsisinnaap-

put. Inuusuttuaqqat oqaluttuarput kaasarfimmiutik tupamut, mamakujunnut sodavand-inullu atortarisik.

Ilaannikkut inuusuttuaqqat pisuttuortarput – ilaanni kisimik imaluunniit sulisunik ilaqlarlutik. Malittarisassaavorli tamatigut nakkutigineqarsinnaanissaat.

Ataatsimut isigalugu Kapisilinni sammisarineqarsinnaasut killilerujussuupput, inuusuttuaqqallu oqaluttuarput, inuusuttuaqqatut inuuneq nalinginnaalluinnartoq maqaasigitsik.

Aamma illu mikisoq atorpeqarpoq, tassani inuusuttuaqqat sisamat najugaqatigiipput. Quleriinni allermiippoq igaffik nerisarfutigisoq aamma ini isersimaartarfik. Sulisut oqarput, nammineq inimi sinittarlutik. Qaliani ini ataasiuvoq sisamanik siniffilik. Illu mikeqaaq nungullarsimaqalunilu.

Ini kingulleq nakkutilliisunit takuneqanngilaq, oqaatigineqarporli tassani init marluusut inersimasunut marlunnut meeqqanullu marlunnit inissaqarluni.

## **5. Tamalaat**

Sulisut oqaluttuarput, sulissutigigitsik meeqqat inuusuttuaqqallu tamaani atuartinneqartalernissaat.

Najugaqarfimmi sulisut inersimasut tamatigut arfiniliupput, ullut 14-ikkaarlugit taarserneqartarlutik.

Sulisut meeqqanik inuusuttuaqqanillu imaani angalaqatiginnik-kusuttorujussuupput. Umiatsiaaraqarput. Aamma qajariaqarput paddleboards-eqarlutillu.

Aalisarsinnaapput, nuniassinnaapput aamma umimmanniarsinnaallutilluunniit tutunniarsinnaapput sulisunik ilaqlarlutik.

Nakkutilliisut alakkaanissaat sioqqullugu nakkutilliisut apequtigivaat tamaani pinerlunniarnerup tungaatigut qanoq pinaveersaartitsisarnerlutik. Nuuk Outdoor-imiit akissutigineqarpoq, pinerlunniarnerup tungaatigut pinaveersaartitsinermik ineriikkamik peqaratik imaluunniit malitassaqaratik.

Inuusuttuaraq arlaatigut inatsisinik unioqqutitsisimappat, inuusuttuaqqamik sullissisoq siunersioqatigalugu pilersaarusiortoqartarpoq, aamma Nuuk Outdoor ApS-imit ilaatigut atorpeqartarpoq, avatangiisinik nikisitsineq, tassa meeraq/inuusuttuaraq najugaqarfimmiit avissaaqqatinneqarsinnaalluni.

Alakkaanissaq sioqqullugu nakkutilliisut apeqqutigisimavaat, najugaqarfimmi ukiumi qaangiuttumi pissaanermik atuinerit qasiusimansut. Tamatumunnga Nuuk Outdoor-imit oqaatigineqarpoq pissaanermik atuinerit pingasuusimasut aamma pisimasut ilungersunartut qulit nalaanneqarsimasut. Sulisut oqaluttuarput inuusuttuaqqat arlallit imminut toqunnissaminnut aarlerinartorsiorfiusimasut.

Pisimasut ilagisimavaat, meeqqap ulluni 14-ini piffissap sungiussiniarfiusup ingerlanerani inissiisarfimmit qimaatsaaliorneqarsimavera. Pisimasumi allami tassannaannartumik aalajangerlugu pisoqartariaqarsiavoq pineqartorlu allamukaallugu. Sulisut oqaluttuarput timi atorlugu pissaanermik atuineq taamaallaat pisartoq, meeraq inuusuttuarluunniit imminut allannuunniit ulorianartorsiorfitsileraagat.

Pissaanermik atuisoqarsimatillugu, sulisut kaammattorneqartarput meeqqamik inuusuttuaqqamilluunniit pisup kingornatigut oqaloqateqaqqullugit, malittarisassallu qissimigaarlugit pisimasog nalunaarsussagitsik nalunaarusiorlutillu.

Sulisut aamma app-eqarput, tassuunalu sulisunut quppersagaq takusinnaavaat. Tassaniipput sulisut oqaatsinik atuinissaannut malittarisassat aamma meeqqanut inuusuttuaqqanullu qanoq oqaloriaaseqarnissaannut, soorlu aamma sulisunut naatsorsuutiginninerit arlallit allattorneqarsimasut.

Illup iluani ileqqorissaarnissamut malittarisassat najugaqarfimmi pigineqanngillat. Sulisut app-ertik atorlugu takusinnaavaat. Attaveqaataavoq GDPR/Persondata pillugu inatsimmik malinnittoq, aammalu taanna atorlugu ingerlaavartumik meeqqanik inuusuttuaqqanillu nutaanik ilisarititsinermut atorneqartartoq. Malittarisassaqarporli suut tamapajaavinut, soorlu illup iluaniinnermi aamma illup silataaniinnermi, innarfissat, neriffissat, pisussaaffiit, pujortarneq, kaasarfimmiut, mobilimik internet-imillu atuineq, tamakkulu meeqqanik ilisimaneqartussaapput.

Sapaatip akunneranut ataasiarluni sapaatikkut sulisut nerisassanut pilersarusiortarput aamma sammisaqarnissamut pilersarusiortarlutik meeqqat inuusuttuaqqallu inissinneqarsimasut peqatigalugit.

Angajoqqaat akulerutsinneqartarput, tamanna kommunimit qinnutiginneqarsimatillugu, assersuutigalugu peqatiginninnissaat pillugit.

Tamatuma saniatigut angajoqqaat meeqqat pillugit paasissutissanik tunniussisarput (ilisimasanik avitseqatiginneq, inuunerata

oqaluttuassartaa). Nuuk Outdoor ApS-ip ilaqqat kaammattor-  
tarpai meeqqap suliamut atatillugu sullissisuanut saaffiginnitta-  
qullugit, tassanngaaniit najugaqarfimmut kallerriutigineqassamma-  
ta pisariaqartitsineq tunngavigalugu. Assersuutigalugu peqatigiin-  
nissaq kissaatigineqarsimappat, tikeraarluni angalanissamut tun-  
ngatillugu il.il.

[Dette er en oversættelse. I tvivlsspørgsmål henviser vi til den danske original].  
Nutsigaavoq. Nalorniguit qallunaatuua takuuk.